

Jakmas UMSKAL anjur program 'Green Environment Towards Healthy Life'

08.5.2014 04

LABUAN: Jawatankuasa Kebajikan Mahasiswa (Jakmas) Universiti Malaysia Sabah, Kampus Antarabangsa Labuan (UMSKAL) telah menganjurkan program 'Green Environment Towards Healthy Life 2014'.

Ketua Penyelaras Pusat Penataran Ilmu dan Bahasa (PPIB) UMSKAL Dr Mohd Azrie Ibrahim merasmikan program itu di Dewan Utama, Ahad lalu.

Turut hadir Penyelaras Program Ruth SSiganul, Exco Akademik Pembangunan Sahsiah dan Kerohanian Jakmas Yong Zong Xian dan Pengarah Program Ricadonna Lee Pei Ling.

Program itu memberi pendedahan kepada semua warga universiti berdasarkan slogan terbaharu yang dijalankan oleh UMS iaitu Eco Campus.

Mohd Azrie berkata, program itu dijalankan untuk memupuk dan memberi

pendedahan tentang kepentingan kebersihan alam sekitar kepada mahasiswa dan mahasiswi UMSKAL, pensyarah, semua kakitangan UMSKAL dan warga Wilayah Persekutuan Labuan yang mementingkan kualiti hidup yang sihat dan ceria.

"Program itu berlangsung sejajar dengan konsep Eco Campus yang menjadi slogan terbaharu bagi UMSKAL. Menerusinya, pendedahan ilmu tentang pentingnya

memelihara dan memulihara alam sekitar adalah penting," katanya yang mewakili Pengarah UMSKAL Prof Madya Dr Ismail Ali.

Ricadonna berkata, program itu juga mengeratkan hubungan silaturahim di antara semua warga UMSKAL dan warga Labuan dengan mengadakan beberapa aktiviti seperti design prototype yang melibatkan Instituti Latihan Perindustrian (ILP) dan UMSKAL, mengarang esei,



MOHD Azrie (dua kiri) bersama Ruth (dua kanan) merasmikan program 'Green Environment Toward Reality Life'.

pameran yang melibatkan Jabatan Alam Sekitar (JAS) dan Perhilitan, 'Green Talk' forum, pertandingan melukis bagi pelajar tabika dan 'Walk for your Healthy Life'.

Beliau mengucapkan terimakasih kepada Bahagian Hal Ehwal Pelajar (HBP) UMSKAL dan Pengarah UMSKAL yang memberi peluang kepada mereka menjalankan program itu.

Program itu juga melibatkan pelajar tabika seperti pertandingan mewarna yang mampu memupuk mereka dari usia yang kecil betapa pentingnya menjaga alam sekitar.



MOHD Azrie bersama Ahli Jawatankuasa penganjur program.